



УЛААНБААТАР ХОТЫН
УС СУВГИЙН УДИРДАХ ГАЗАР ОНӨААТУГ
ДАРГЫН ТУШААЛ

2020 оны 12 сарын 17 өдөр


Дугаар A/257

Улаанбаатар хот

Төсөвт байгууллагын цэвэр, бохир усны
үйлчилгээний үнэ, тариф мөрдөх тухай

Төрийн болон орон нутгийн өмчийн тухай хуулийн 20 дугаар зүйлийн 20.1.9, 20.1.10 дахь заалт, Хот, суурины ус хангамж, ариутгах татуургын ашиглалт, үйлчилгээг зохицуулах зөвлөлийн 2020 оны 11 дүгээр сарын 27-ны өдрийн 108 дугаар тогтоол, Ус сувгийн удирдах газрын дүрмийн 6 дугаар зүйлийн 6.13 дахь заалтыг үндэслэн ТУШААХ нь:

1. Улаанбаатар хотын төвлөрсөн шугам сүлжээнд холбогдсон төсөвт байгууллагын цэвэр, бохир усны үйлчилгээний тарифыг тооцоходоо Хот суурины ус хангамж, ариутгах татуургын ашиглалт үйлчилгээг зохицуулах зөвлөлийн 2020 оны 11 дүгээр сарын 27-ны өдрийн 108 дугаар тогтоолыг даган мөрдсүгэй.
2. Батлагдсан тарифыг 2021 оны 01 дүгээр сарын 01-ний өдрөөс эхлэн мөрдөж ажиллахыг Хэрэглэгчдэд үйлчлэх албаны дарга /Ц.Баянзул/, Багахангайн ус суваг ашиглалтын товчооны дарга /Ч.Батбаатар/-т тус тус даалгасугай.
3. Тушаалын хэрэгжилтэд хяналт тавин ажиллахыг Эдийн засаг, санхүү бүртгэлийн хэлтэс /Ч.Ариунаа/-д үүрэг болгосугай.
4. Энэ тушаал гарсантай холбогдуулан байгууллагын даргын 2019 оны 04 дүгээр сарын 25-ны өдрийн А/239 дугаар тушаалд заасан дээрх байгууллагад холбогдох тарифыг хүчингүй болсонд тооцсугай.





Захиргааны хэм хэмжээний
актын улсын нэгдсэн санд
2020 оны 12 сарын 07-ны
өдрийн 4922 дугаарт бүртгэв.

ХОТ, СУУРИНЫ УС ХАНГАМЖ,
АРИУТГАХ ТАТУУРГЫН АШИГЛАЛТ,
ҮЙЛЧИЛГЭЭГ ЗОХИЦУУЛАХ ЗӨВЛӨЛИЙН
ТОГТООЛ

2020 оны 11 сарын 27 өдөр

Дугаар 108

Улаанбаатар хот

Улаанбаатар хотын төсөвт байгууллагад мөрдөх
цэвэр, бохир усны үйлчилгээний тариф батлах тухай

Монгол Улсын Хот, суурины ус хангамж, ариутгах татуургын ашиглалтын тухай хуулийн 10 дугаар зүйлийн 10.1.1, 10.2, Захиргааны ерөнхий хуулийн 64 дүгээр зүйлийн 64.1 дэх хэсгийг тус тус үндэслэн ТОГТООХ нь:

1. Улаанбаатар хотын төсөвт байгууллагын цэвэр, бохир усны үйлчилгээний тарифыг хавсралтаар баталсугай.
2. Батлагдсан тарифыг 2021 оны 01 дүгээр сарын 01-ний өдрөөс эхлэн мөрдөж ажиллахыг Улаанбаатар хотын ус хангамж, ариутгах татуургын тусгай зөвшөөрөл эзэмшигч /цаашид “ТЗЭ” гэх/ аж ахуйн нэгж, байгууллагын дарга, захирал нарт даалгасугай.
3. Ус хангамж, ариутгах татуургын үйлдвэрлэл, үйлчилгээний зардалд хяналт тавьж, үргүй зардал, усны алдагдлыг бууруулж, үр дүнтэй ажиллахыг ТЗЭ аж ахуйн нэгж, байгууллагын дарга, захирал нарт үүрэг болгосугай.
4. Энэхүү тогтоол батлагдсантай холбогдуулан Зохицуулах зөвлөлийн 2020 оны 61 дүгээр тогтоолыг хүчингүй болсонд тооцсугай.
5. Тогтоолын биелэлтэд хяналт тавьж, ТЗЭ-дэд зөвлөмж хүргүүлэн, үр дүнг тооцож ажиллахыг Үнэ тарифын алба /Ж.Гэрэлчuluун/-нд үүрэг болгосугай.

ДАРГА
ГИШҮҮН
Ж.БАТСУУРЬ
Ж.ДАВААЦЭРЭН
Г.ЦОГТСАЙХАН
Ч.ЭРДЭНЭЧИМЭГ

Хот, суурины ус хангамж, ариутгах
татуургын ашиглалт, Үйлчилгээг
зохицуулах зөвлөлийн 2020 оны 11-р
сарын 27-ны өдрийн 10 тоот тогтоолын
хавсралт

Улаанбаатар хотын төсөвт байгууллагад мөрдөх
цэвэр, бохир усны үйлчилгээний тариф
(НӨАТ-гүй)

№	Үйлчилгээний төрөл	Хэмжих нэгж	Тариф
1.	Цэвэр ус	төг/л	2.07
2.	Бохир ус	төг/л	1.80

--- о О о ---